

U skladu sa odredbom člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), odredbom člana 8. i 26. Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05, 81/08, 22/09 i 109/12), člana 84. a u vezi sa članom 85. Zakona o računovodstvu i reviziji u federaciji bosne i hercegovine („Službene novine Federacije Bosne i Hercegovine“, broj: 15/21) i člana 28. Statuta Javnog preduzeća „Međunarodni aerodrom Tuzla“ d.o.o. („Službene novine Tuzlanskog kantona“, broj: 1/17, 9/17, 11/19, 16/21 i 18/21) i Odluke Nadzornog odbora broj: 02-11-4/26 od 17.08.2026.godine JP „Međunarodni aerodrom Tuzla“ d.o.o., Nadzorni odbor JP „Međunarodni aerodrom Tuzla“ d.o.o., raspisuje:

JAVNI OGLAS
za izbor i imenovanje članova Odbora za reviziju
u JP „Međunarodni aerodrom Tuzla“ d.o.o.

Raspisuje se Javni oglas za izbor i imenovanje članova Odbora za reviziju u JP "Međunarodni aerodrom Tuzla" d.o.o., u sastavu kako slijedi:

- 1. Član Odbora za reviziju ekonomske struke – 1 člana;**
- 2. Član Odbora za reviziju ekonomske struke, ovlašteni revizor – 1 član;**
- 3. Član Odbora za reviziju pravne struke - 1 član.**

I Opis poslova i nadležnosti:

Odbor za reviziju ima nadležnosti kako slijedi:

- a) u skladu sa važećim propisima vrši reviziju polugodišnjeg i godišnjeg obračuna i reviziju finansijskog poslovanja preduzeća i o tome dostavlja izvještaj Skupštini i Nadzornom odboru;
- b) imenuje vanjskog revizora;
- c) imenuje direktora odjela za internu reviziju;
- d) razmatra godišnju strategiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- e) razmatra navedenu strategiju rizika i plan revizije i postizanje sporazuma sa glavnim revizorom po pitanju obrade isključivo u slučaju kada je generani revizor imenovao direktora odjela za internu reviziju Javnog preduzeća;
- f) osigura da odjel za internu reviziju izvrši svoj posao u skladu sa planom revizije;
- g) osigura da interne kontrole u Javnom preduzeću budu adekvatne i da funkcioniraju kako je predviđeno;
- h) podnosi Nadzornom odboru sažete mjesečne izvještaje o svojim sastancima svakog mjeseca;
- i) konsultuje se sa generalnim revizorom u pogledu nezavisne revizorske organizacije ili strukovne strudne grupe koja vrši stručno unutrašnje strukovno ocjenjivanje odjela za internu reviziju svake dvije do tri godine;
- j) osigura da odjel za internu reviziju obavlja svoje obaveze u skladu sa međunarodnim revizijskim standardima;
- k) prati postupak finansijskog izvještavanja;
- l) prati učinkovitost sistema interne kontrole, interne revizije, te sistem upravljanja rizicima;
- m) raspravlja o planovima i godišnjem izvještaju interne revizije te o značajnim pitanjima koja se odnose na ovo područje;
- n) odgovoran je osigurati nezavisnost i kvalitet obavljanja revizije finansijskih izvještaja i konsolidovanih finansijskih izvještaja;
- o) nadgleda provođenje revizije finansijskih izvještaja i konsolidovanih finansijskih izvještaja i
- p) prati nezavisnost revizorskog društva koje obavlja reviziju, a posebno ugovore o dodatnim uslugama.

II Mandat

Mandat imenovanih članova Odbora za reviziju JP “Međunarodni aerodrom Tuzla” d.o.o. traje četiri godine.

III Opšti uslovi za imenovanje:

Kandidat mora ispunjavati slijedeće uslove:

- a) da je državljanin BiH;
- b) da je stariji od 18 godina;
- c) da je zdravstveno sposoban za obavljanje poslova na koje se imenuje,
- d) da nije otpušten iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine od dana objavljivanja upražnjene pozicije;
- e) da nije osuđivan za krivično djelo;
- f) da nije kažnjavao iz oblasti privrednog prijestupa i da mu nije izrečena zaštitna mjera vršenja dužnosti člana Odbora za reviziju u roku od pet godina računajući od dana izdržavane, izvršene, zastarjele ili oprostene kazne;
- g) da nije obuhvaćen odredbama člana IX stav 1. Ustava Bosne i Hercegovine;
- h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08);
- i) da nije član Nadzornog odbora ili Uprave, kao ni zaposlenik JP “Međunarodni aerodrom Tuzla” d.o.o. i da u istom nema direktni ili indirektni finansijski interes;
- j) da nije član upravnog, izvršnog ili drugog organa, političke stranke;
- k) da nije dioničar sa 50% i više dionica, direktor ili član uprave bilo kog dioničkog društva kao i vlasnik sa 50% i više vlasništva, direktor i član uprave bilo kog društva sa ograničenom odgovornošću;

IV Pored navedenih opštih uslova, kandidati koji se prijavljuju na poziciju broj 1. moraju ispunjavati i slijedeće posebne uslove i kriterije:

- a) VSS-VII stepen školske spreme ekonomski fakultet, 240 ETCS;
- b) da posjeduje važeći certifikat ovlaštenog revizora ili internog revizora ili certificiranog računovođe;
- c) da ima najmanje pet godina radnog iskustva na poslovima finansija, računovodstva ili privrednog prava.

Kandidati koji se prijavljuju na poziciju broj 2. moraju ispunjavati i slijedeće posebne uslove i kriterije:

- a) VSS-VII stepen školske spreme, ekonomski fakultet, 240 ETCS;
- b) da posjeduje važeći certifikat ovlaštenog revizora;
- c) da ima najmanje pet godina radnog iskustva na poslovima finansija, računovodstva ili privrednog prava.

Kandidati koji se prijavljuju na poziciju broj 3. moraju ispunjavati i slijedeće posebne uslove i kriterije:

- a) VSS-VII stepen školske spreme, pravni fakultet, 240 ETCS ;
- b) da ima najmanje pet godina radnog iskustva na poslovima finansija, računovodstva ili privrednog prava.

V Potrebni dokazi za opšte i posebne uslove:

Kandidati su dužni uz potpisanu prijavu, koja sadrži kraću biografiju, adresu i kontakt telefon, priložiti dokumente kao dokaz o ispunjavanju opštih i posebnih uslova traženih oglašom kako slijedi:

1. Uvjerenje o državljanstvu – ovjerena kopija;
2. Lična karta – ovjerena kopija;
3. Univerzitetska diploma VSS – VII stepen stručne spreme ekonomskog smjera 240 ETCS za kandidate koji apliciraju na pozicije 1. i 2., ovjerena kopija;

4. Univerzitetska diploma VSS – VII stepen stručne spreme pravnog smjera 240 ETCS za kandidate koji apliciraju na pozicije 1. i 2., ovjerena kopija;
5. Potvrda ili uvjerenje o radnom iskustvu u trajanju najmanje pet godina na poslovima finansija, računovodstva ili privrednog prava, ovjerena kopija;
6. Važeći certifikat ovlaštenog revizora ili internog revizora ili certificiranog računovođe za kandidate koji apliciraju na poziciju 1., ovjerena kopija;
7. Važeći certifikat ovlaštenog revizora za kandidate koji apliciraju na poziciju 2., ovjerena kopija;
8. Izjave/izjava kandidata kojim potvrđuju ispunjenost opštih uslova propisanih tačkom III c) do k), ovjerene od strane ovlaštenog organa, datum ovjere ne smije biti stariji od 15 dana od dana objave oglasa u Službenim novinama Federacije Bosne i Hercegovine.

Dokumenti traženi tačkom 1. do 7. moraju biti dostavljeni u ovjerenoj kopiji, datum ovjere ne smije biti stariji od 6 mjeseci od dana objave oglasa u Službenim novinama Federacije Bosne i Hercegovine.

JP „Međunarodni aerodrom Tuzla“ d.o.o. zadržava pravo provjere tačnosti izjava dostavljenih kao dokaz ispunjenosti opštih uslova propisanih tačkom III e) do k) službenim putem prije konačnog imenovanja kandidata.

Oglas će biti objavljen u „Službenim novinama Federacije Bosne i Hercegovine“, u dnevnom listu „Dnevni avaz“ i službenoj web stranici JP „Međunarodni aerodrom Tuzla“ d.o.o.

Rok za dostavljanje prijave je 15 dana od dana objave oglasa u Službenim novinama Federacije Bosne i Hercegovine.

Svi kandidati koji dospiju na listu uspješnih kandidata bit će pozvani na razgovor. Prije razgovora kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Izabrani kandidati dužni su prije konačnog imenovanja dostaviti Ljekarsko uvjerenje koje ne smije biti starije od 6 mjeseci, a kojim dokazuju da su zdravstveno sposobni za obavljanje poslova na koje se imenuju.

Prijave na oglas sa traženim dokumentima treba dostaviti u zatvorenoj koverti preporučeno putem pošte na adresu: JP „Međunarodni aerodrom Tuzla“ d.o.o., Gornje Dubrave bb, 75 270 Živinice, uz naznaku: **„PRIJAVA NA JAVNI OGLAS ZA IZBOR I IMENOVANJE ČLANOVA ODBORA ZA REVIZIJU U JP „MEĐUNARODNI AERODROM TUZLA“ D.O.O. ili lično putem protokola u kancelariji sekretara – administratora.**

Nepotpune ili neblagovremene prijave neće se uzimati u razmatranje.